



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU POLITIČKE ORGANIZACIJE GRAĐANA „SNAGA BOSNE“

Broj: 03-07-6-327/14
Sarajevo, 07. april 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije građana „Snaga Bosne“ za 2013. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Politička organizacija građana „Snaga Bosne“ prekršila odredbe člana 11. i člana 12. stav (1), (3) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana „Snaga Bosne“ za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Politička organizacija građana „Snaga Bosne“ se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	1.093,95	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	1.093,95	100,00%
II	Kreditno zaduženje kod banaka	0,00	0,00%
Izvori finansiranja (I+II)		1.093,95	100,00%

U godišnjem finansijskom izvještaju stranka je iskazala ukupne rashode u iznosu od 1.458,90 KM.

2. PREDSTAVLJANJE POLITIČKE STRANKE

Naziv političke stranke: Politička organizacija građana „Snaga Bosne“. Skraćeni naziv je P.O.G „SB“.

Stranka je registrovana kod Općinskog suda u Sarajevu broj upisa: 065-0-F1-08-000014 od 04.02.2008. godine.

Prema podacima iz rješenja o upisu u sudski registar, sjedište političke stranke je u Ilijašu, 126. Ilijaške brigade broj 6, dok politička stranka u finansijskom izvještaju za 2013. godinu navodi adresu Ulica Žrtava genocida u Srebrenici bb.

Lica ovlaštena za zastupanje stranke su Hajrudin Avdić, vd. predsjednika, Šemso Jusić, sekretar stranke i Fahrudin Salihović, vd. predsjednika Glavnog odbora stranke.

Lice ovlašteno za podnošenje finansijskih izvještaja stranke za 2013. godinu je Šemso Jusić.

Prema podacima iz godišnjeg finansijskog izvještaja za 2013. godinu, Politička organizacija građana „Snaga Bosne“ , nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije građana „Snaga Bosne“ za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Političke organizacije građana „Snaga Bosne“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu od 2008. do 2012. godine, obavljen je pregled godišnjih finansijskih izvještaja stranke, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima i preporukama stranci da ne prima priloge koji su političkim strankama zabranjeni Zakonom o finansiranju političkih stranaka, da uspostavi potpune evidencije o rashodima i da finansijske izvještaje podnosi u formi propisanoj Pravilnikom o godišnjim finansijskim izvještajima političkih stranaka te da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da je Politička organizacija građana „Snaga Bosne“ djelimično ispoštovala date preporuke.

5. NALAZI I PREPORUKE

5.1. NALAZI

a) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

- Stranka nije u skladu sa poreskim propisima, obračunala i platila porez na dohodak i pripadajuće doprinose na sredstva isplaćena fizičkim licima, troškove i obaveze po osnovu poreza i doprinosa nije evidentirala u poslovnim knjigama, niti u godišnjem finansijskom izvještaju stranke, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

Politička organizacija građana „Snaga Bosne“ je u svojim poslovnim knjigama i godišnjem finansijskom izvještaju za 2013. godinu iskazala isplate posmatračima u iznosu od 950,00 KM. Imajući u vidu da navedene isplate sa poreskog aspekta imaju karakter ličnih primanja, stranka je imala obavezu da izvrši obračun poreza na dohodak i pripadajuće doprinose.

- U obrascu 2 (Pregled prometa svih transakcijskih računa političke stranke) stranka nije iskazala transakcijske račune broj 3386902233047591 i 3386902233337427 otvorene kod UniCredit banke dd, niti je iskazala promet po transakcijskom računu broj 3386902233047591, čime je prekršila odredbe člana 11. Pravilnika o godišnjim finansijskim izvještajima.

Uvidom u izvještaj Centralne banke Bosne i Hercegovine utvrđeno je da je stranka imala otvorene transakcijske račune kod navedene banke, koje je 11.11.2013. godine zatvorila.

Na zahtjev Centralne izborne komisije Bosne i Hercegovine stranka je dostavila potvrdu banke iz koje se vidi da su zatvoreni navedeni računi, te da je do dana zatvaranja stranka po računu broj 3386902233047591 imala početni saldo u iznosu od 81,17 KM, zatim ostvarila je promet ulaza u iznosu od 0,06 KM i promet izlaza u iznosu od 81,23 KM.

Prema podacima iz potvrde stranka nije ostvarila promet po transakcijskom računu broj 338902233337427.

b) Stranka nije ispoštovala odredbe člana 12. stav (4) Zakona o finansiranju političkih stranaka.

Dana 04.08.2014. godine, Centralna izborna komisija Bosne i Hercegovine je stranci uputila Zahtjev za dostavljanje dodatne dokumentacije za 2013. godinu kojim je od stranke zatraženo da dostavi dodatnu dokumentaciju (bruto bilans stranke za period 01.01.-31.12.2013. godine, glavnu knjigu sa kompletnim analitičkim evidencijama, kopiju izvoda sa transakcijskih računa i dokumentaciju o korištenju poslovnog prostora).

Stranka je dostavila bruto bilans, glavnu knjigu sa analitičkim evidencijama i izvode sa transakcijskog računa.

Obzirom da stranka na zahtjev Centralne izborne komisije Bosne i Hercegovine nije dostavila dokumentaciju o korištenju poslovnog prostora, prekršila je odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Političkoj organizaciji građana „Snaga Bosne“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa zakonskim propisima, odnosno da vodi evidencije o svojim prihodima i rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

KOMENTAR

Politička organizacija građana „Snaga Bosne“ nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

šef Odsjeka za revizijske poslove

Sanja Tošović

Revizor

Veliborka Kenjić

šef Službe za reviziju

mr. sc. Hasida Gušić